

Guangjisi Minzcu Bau

ganhhau: CN45-0036 B.2013 Nd.9 Ng.18 liggaueq gveiqceih nienz ndwenbet cibseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3091期

Swcigih Minzveij Minzyijveij Cujiy Lu Yenbenj Giengzdiuh

Doenghboux Guh Hong Vah Saw Minzcu Aeu Rox Naemj Gaenx Guhsaeh Banh Saehsaed

民语工作者要有思想有作为扎扎实实办实事

Bonjbauq siusik (gicej Vangz Sinhjungz) 9 nyied 12 hauh ban-ringzgvaq, Swcigih Minzveij Minzyijveij cujiy Lu Yenbenj cujiz ciuhai aenhohi lwnh hong Minzyijveij, nyinhcaen dingq gak cusiz caeuq cizsuz danhvei aen veij neix lwnh hong bonjfaenh, sonyinx guh ndei gij hong geij ndwen satlaeng bineix caeuq hong bimoq. Swcigih Minzyijveij fucujy Yangz Gijbyauh, Vangz Cenzcungh, bouxcucangj fucucangj gak cusiz caeuq doenghboux banbouxdaez cizsuz danhvei camgya haihoih.

Youq gwnz hoih, mwh dingq gyoengqdaez lwnh gij hong geij ndwen satlaeng bineix, Lu Yenbenj sijsaeq cam gak hangh hong daegbied dwg hanghmoeg cungdenj yaek geijseiz guhsat, aeundaiej gijmaz cingzci caeuq lij miz maz gunnanz dem. De giengzdiuh, gij hong lij caengz guhsat haenx, itdingh aeu lauxlaux saedsaed guh ndei guhsat.

Lu Yenbenj naeuz, boux guh hong vah saw minzcu aeu rox naemj gaenx guhsaeh, dangqnaj baihgwnz hawj ngaenz noix, hoeng danghnaeuz rox naemj, banhfap habngamj, hengzdoengh dawzbanj, vwndiz couh yungzheih gaijgez. Baenzneix, raeuz aeu genj geij hangh saehsaed daeuj guh ndei, saehsaed dwg vix gij hong vunzlai bauhamz bouxlauxhangz, bouxhwnjmuengx caeuq gij bumwnz caeuq raeuz miz lienzhaeh haenx muengh raeuz guh haenx, caemhcai dwg gij hong raeuz guh ndaej haenx, roxnaeuz gij hong raeuz mbouj miz banhfap guh ndaej hoeng ndaej daez

genyi heuh cwngfuj anbaiz guh haenx. Baenzneix, gij hong raeuz guh ndaej haenx, aeu genj geij hangh ceiq youqgaenj daeuj nyinhcaen haenq-rengz guh ndei, hawj dangjveij cwngfuj caeuq sevei gak fuengmienh roxyiuj caemhcai haenx ndei dem.

Lu Yenbenj naeuz, bimoq yaek aeu comz gij rengz daengx aen Minzyijveij gihgvanh caeuq cizsuz danhvei, ca geij hangh saehsaed doiq daengzcog yingyangj haemq hungloet haenx haenqrengz bae guh. De naeuz, youq cingihab vangilo saenqsik swhyenz fuengmienh, muengh Minzveij Minzyijveij doxgap hwnjdaej, doenggvaq cingihab bingzdaiz vangilo, guhbaenz aen vangilo swhyenz caemhyiengj, song mbiengj cungj souh'ik, hawj de bienqbaenz song veij aen congheuceng doiq baihrog guh senhconz akrem ndeu. Youq Sawcuengh yungh caeuq hag fuengmienh, aeu guh baez gak fuengmienh duzczaz ndeu, couhdwg bae duzczaz gij fazliz fazgveih, vwnzgen gvidingh gaenq miz gvaq haenx saedhengz cingzgvang, ndaej dawz gij yienghsiengq caensaed "miz fap mbouj hengz" haenx caz cingcuj le bauq hawj Swcigih Dangjveij Cwngfuj, daezok muengh cwngfuj yaek baenzlawz bae saedhengz cij ndei, coicaenh Sawcuengh laebfap. Guh beizyin seiz, ceiq ndei dem aen ban son Sawcuengh mienhyiengq gwnz sevei ciuseng ndeu, mienxfei beizyin, hawj yingyangliz Sawcuengh gyahung gya-gvangq, daezsang gij sevei diegvih Sawcuengh. Hong Sawcuengh sui-bingz gaujsi, bimoq gauj sat le ceiq

ndei cingj gyoengqvunz gak fuengmienh bauhamz bouxlauxhangz daeuj guh lwnhcingq, nyinhdingh gij cwnzgoj Sawcuengh sui-bingz gaujsi, yinx vunzlai gagnyienh hag yungh Sawcuengh. Doengzseiz lij aeu dawz gij cwnzgoj neix sij baenz vwnzgen bauq hawj cwngfuj, daeznaeuz youq gij fuengmienh lawz ndaej doigvangq sawjyung Sawcuengh, lumjbaenz bozswswng, gauj gunghvuyenz, bingz cizcwngh, gij gyauyuz dieg Bouxcuengh daengj. Hong gohyenz ne, aeu haeujsim guh ndei senhconz, aeu vih hingzcwngh muzdiz fuzvu, aeu doenggvaq senhconz gohyenz cwnzgoj daeuj senhconz Sawcuengh, hawj vunzlai caez daeuj cihciz Sawcuengh.

Lu Yenbenj lij cungdenj gangj le hong cezmuuz vah minzcu gvangjbo densi. De naeuz, hangh hong neix gig youqgaenj, guh ndei le ndaej hawj gih raeuz gvangjbo yingjisi hangz neix yungh vah saw minzcu haiboq guh yiengh ndei ndeu okdaej, ndigah, raeuz aeu yawjnaek de, haenqrengz bae guh ndei, aeu naek youq guh ndei diucaz yenzgiu, unglaeb cezmuuz ndei, doidoengh dingh ok mizgven cwnz-cwz, beizyangj yinzcaiz seiq hangh hong neix.

Doeklaeng, Lu Yenbenj vah naek cingz laeg dwk naeuz, seizneix gwnzbiengz miz haujai vunz haenggyaez Sawcuengh, raeuz aeu hawsim bae dingq gak cungj yigen caeuq muenghgouz, cijaeu doiq gij hong raeuz miz leih, doiq saedhengz cwnzgwz fazgveih miz leih, ndaej hawj vunzlai cauxfuk, raeuz couh gaenxgoemx bae guh.

SIUSIK DINJ

简讯

● Gaen bi daeuj, Yinhcwnz Yen daezok daegsaek nungzyez canjyezva "122" gunghcwnz(oij dangz haeuj cangj 100 fanh dun, suensangh 20 fanh moux, vagimngaenz 20 fanh moux), ginggvaq geij bi fazcanj, laebbaenz le "gwnz bya miz gocuk, gofaex nem suenva, laj bya miz reih'oij, suensangh nem haexnax, ranz miz duzmou, cwzvaiz nem duzyiengz, youh miz daemzcaujgi nem gvihraemx". (Lanz Cwnghcwnz)

● Daj bineix 5 nyied daeuj, Denhdwngj Yen comz vunz, doenghyiengh, cienzngaenz haenq-rengz baetseuq ranz, baetseuq mbanj, baetseuq goekraemx daengj "sam seuq" hozdung, neix hawj haujai mbanj yienghsiengq bienq seuqcingh gyaunde.

(Nungz Dayungj Vangz Lilanz)

● Geij ngoenz gonq, Nazboh Yen vwnzva minzcu henzguck swnjcienz henhoh cungsim youq ndaw yienh Ganjdozyenz Fungh-gingjgih cingqsik haigoeng. Aen gunghcwnz neix gungh roengz 1500 fanh maenz, yungh dieg 3600 bingzfanghmij, hwnjguh menciz 6147 bingzfanghmij. Aen cungsim neix comz miz vwnzva'gvanj, bozvuzgvanj, duzsuhgvanj daengj lai cungj gunghnwnz, daegsaek minzcu noengzna.

(Vangz Bizvaz)

● Gaen bi daeuj, Yungzanh Yen cungdenj doigvangq saedhengz "mak ndei gunghcwnz", ndaem baenz gij makit maenhndei fouzgoenghah haenx vunzlai gig maij. Dangqnaj, aen yienh neix 1100 lai moux makit maenhndei laebdaeb baenz lo, gwnz hawciengz gai moix goenggaen 8 maenz doxhwnj. Neix couh naeuz daj-ndaem makit ndaej hawj vunzlai baenzfouq. (Danz Gaijhingh)

● Geij ngoenz gonq, youq gwnz hoih Dwzbaui Yen Cizyau Gaujbingz Gunghcoz Vei, Dwzbaui Yen Minzcuzgiz ndaej bingzguh "Dwzbaui Yen 2012 nienz cizyau cunghab gaujhwz senhcin danhvei". (Nungz Yungjfang)

Nazboh: Haeuj Mbanj Yauzcuz Bae Senhconz

那坡:

深入瑶族屯开展宣传活动

9 nyied 14 hauh(liggaueq bet nyied cocib), dwg Nazboh Yen Bwzswngj Yangh Sangvaz Cunh Mbanjveihlung Yauzcuz gvaq ngoenzciat "gingq fungsou", Nazboh Yen Minzcuzgiz haeuj daengz aen mbanj neix guh "cingz minzcu · siengjmuengh Cungguck" senhconz hozdung. Doenggvaq venj fukvang, fat bonjsenhconz, laeb daiz camdap minzcu cwnzgwz, hai cisenhconz, vwnzyi yienjok daengj hingzsi, yieq ginzung Yauzcuz senhconz minzcu cwnzgwz fazgveih nem cihsiz. Ndaw doz dwg aen mbanj neix doenghboux Yauzcuz cingq yawj 《Bonj Minzcu Cwnzgwz Fazgveih》.

(Vangz Bizvaz ingj)

